

Կ Ա Ր Գ

ԱՌԵՎՏՐԻ ԻՐԱԿԱՆԱՑՄԱՆ ՎԱՅՐԻ ԿԱԶՄԱԿԵՐՊՄԱՆ ԳՈՐԾՈՒՆԵՈՒԹՅԱՆ
ԼԻՑԵՆԶԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են Հայաստանի Հանրապետությունում առևտրի իրականացման վայրի կազմակերպման գործունեության լիցենզավորման պայմանները և գործընթացը, լիցենզավորման հետ կապված հարաբերությունները:

2. Առևտրի իրականացման վայրի կազմակերպման գործունեությունը լիցենզավորվում «Լիցենզավորման մասին» Հայաստանի Հանրապետության օրենքով և սույն կարգով:

3. Սույն կարգի գործողությունը տարածվում է «Առևտրի և ծառայությունների մասին» Հայաստանի Հանրապետության օրենքի 3.1-ին հոդվածի 1-ին մասով սահմանված առևտրի իրականացման վայրերի կազմակերպման գործունեության վրա:

4. Գյուղատնտեսական արտադրանքի շուկաների կազմակերպումը ենթակա է լիցենզավորման, եթե շուկաների տարածքում իրականացվում է սննդամթերքի վաճառք, և գործում են առևտրի օբյեկտներ:

5. Սույն կարգի գործողությունը չի տարածվում «Հասարակության և պետության կարիքների համար սեփականության օտարման մասին» Հայաստանի Հանրապետության օրենքով սահմանված կարգով՝ գերակա հանրային շահերով օտարվող տարածքներում, ինչպես նաև Հայաստանի Հանրապետության բնակավայրերի սահմանագծերից դուրս՝

բացառապես շարժական բաց վաճառատեղերի (վաճառասեղանների) միջոցով առևտրի իրականացման վայրի կազմակերպման գործունեության վրա:

6. Սույն կարգում կիրառվող հիմնական հասկացություններն են՝

1) հայտատու՝ «Առևտրի և ծառայությունների մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության **2008** թվականի օգոստոսի **21**-ի **ՀՕ-138**-Ն օրենքն ուժի մեջ մտնելուց մինչև «Լիցենզավորման մասին» Հայաստանի Հանրապետության օրենքով առևտրի իրականացման վայրի կազմակերպման գործունեությունը լիցենզավորման ենթակա համարվելն ընկած ժամանակահատվածում առևտրի իրականացման վայրի գործունեություն չիրականացրած և լիազոր մարմին առևտրի իրականացման վայրի կազմակերպման գործունեության լիցենզիա ստանալու համար հայտ ներկայացրած իրավաբանական անձ կամ անհատ ձեռնարկատեր:

2) կազմակերպիչ հանդիսացած հայտատու՝ «Առևտրի և ծառայությունների մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության **2008** թվականի օգոստոսի **21**-ի **ՀՕ-138**-Ն օրենքն ուժի մեջ մտնելուց մինչև «Լիցենզավորման մասին» Հայաստանի Հանրապետության օրենքով առևտրի իրականացման վայրի կազմակերպման գործունեությունը լիցենզավորման ենթակա համարվելն ընկած ժամանակահատվածում առևտրի իրականացման վայրի լիցենզավորման ենթակա գործունեություն իրականացնող և լիազոր մարմին առևտրի իրականացման վայրի կազմակերպման գործունեության լիցենզիա ստանալու համար հայտ ներկայացրած իրավաբանական անձ կամ անհատ ձեռնարկատեր:

II. ԼԻՑԵՆԶԻԱ ՍՏԱՆԱԼՈՒ ԿԱՏԱՐ ԱՆՀՐԱԺԵՇՏ ՓԱՍՏԱԹՂԹԵՐԸ

7. Հայտատուն լիցենզիա ստանալու համար լիցենզավորող մարմին է ներկայացնում հետևյալ փաստաթղթերը՝

1) լիցենզիա ստանալու մասին հայտը՝ համաձայն N 1 ձևի, նշելով՝

ա. իրավաբանական անձի համար՝ իրավաբանական անձի անվանումը և կազմակերպական-իրավական ձևը, գտնվելու և գործունեության իրականացման վայրերը, իսկ անհատ ձեռնարկատիրոջ համար՝ անունը, ազգանունը, բնակության և գործունեության իրականացման վայրերը,

բ. լիցենզավորման ենթակա գործունեության տեսակը, որը հայտատուն մտադիր է իրականացնել,

գ. տեղեկատվություն հարկ վճարողի հաշվառման համարի մասին.

2) իրավաբանական անձի համար՝ կանոնադրության և պետական գրանցման վկայականի պատճենները, իսկ անհատ ձեռնարկատիրոջ համար՝ պետական գրանցման վկայականի պատճենը.

3) առևտրի իրականացման վայրի տարածքի սեփականության, վարձակալության կամ օգտագործման իրավունքների պետական գրանցման վկայականների պատճենները և առևտրի իրականացման վայրում վաճառատեղերի և այլ անհրաժեշտ կառույցների տեղաբաշխման սխեմաները.

4) «Պետական տուրքի մասին» Հայաստանի Հանրապետության օրենքին համապատասխան վճարված պետական տուրքի անդորրագրի բնօրինակը.

5) օրենքով նախատեսված այլ փաստաթղթեր:

8. Լիցենզիա ստանալու համար կազմակերպիչ հանդիսացած հայտատուն սույն կարգի 5-րդ կետում նշված փաստաթղթերին կից լիցենզավորող մարմին է ներկայացնում առևտրի իրականացման վայրի վաճառատեղերի (այդ թվում՝ առևտրի օբյեկտների) (այսուհետ՝ վաճառատեղ) և վաճառողների մասին հայտարարություն՝ համաձայն N 2 ձևի: Հայտարարությունում չի ներառվում այն վաճառատեղերի մասին տեղեկատ-

վությունը, որոնց համար օրենքով սահմանված կարգով պարտադիր չէ հսկիչ-դրամարկղային մեքենաների ներդրումը: Հայտարարության դիմային էջին կցվող յուրաքանչյուր հերթական էջ համարակալվում է, կնքվում ու ստորագրվում:

9. Առևտրի իրականացման յուրաքանչյուր վայրի կազմակերպման համար ներկայացվում է առանձին հայտ, իսկ կազմակերպիչ հանդիսացած հայտատուների կողմից՝ նաև առանձին հայտարարություն:

10. Առևտրի իրականացման վայրի կազմակերպման լիցենզիա ստանալու համար անհրաժեշտ փաստաթղթերը կարող են լիցենզավորող մարմին հանձնվել առձեռն կամ փոստով:

III. ԼԻՑԵՆԶԻԱՅԻ ՏՐԱՄԱԴՐՄԱՆ ԵՎ ՀԱՅՏԻ ՄԵՐԺՄԱՆ ԸՆԹԱՑԱԿԱՐԳԵՐԸ

11. Լիցենզիա ստանալու համար ներկայացված փաստաթղթերը լիցենզավորող մարմին մուտք լինելու օրվանից ոչ ուշ, քան երեք աշխատանքային օրվա ընթացքում՝ լիցենզավորող մարմինը հայտերի և հայտարարությունների պատճենները Հայաստանի Հանրապետության կառավարության սահմանած կարգով ներկայացնում է Հայաստանի Հանրապետության կառավարությանն առընթեր պետական եկամուտների կոմիտե (այսուհետ՝ հարկային մարմին):

12. Լիցենզիա ստանալու մասին հայտը լիցենզավորող մարմին մուտք լինելու օրվանից ոչ ուշ, քան երեսուն օրվա ընթացքում հայտը բավարարվում է, եթե՝

1) հայտարարությունում հարկ վճարողի հաշվառման համարները և հարկային մարմնում հսկիչ-դրամարկղային մեքենաների գրանցման քարտի համարները համապատասխանում են հարկային մարմնի՝ սահմանված կարգով ներկայացրած տեղեկանքի տվյալներին, և կատարված են սույն կարգի **11**-րդ կետում նշված պահանջները:

2) հայտատուի կողմից հայտարարություն ներկայացվելու անհրաժեշտությունը բացակայում է, քանի որ հարկային մարմնի ներկայացրած տեղեկությունների հիման վրա նա չի հանդիսանում կազմակերպիչ հանդիսացած հայտատու, և կատարված են սույն կարգի 11-րդ կետում նշված պահանջները:

13. Առևտրի իրականացման վայրի կազմակերպման լիցենզիան տրվում է անժամկետ: Առևտրի իրականացման յուրաքանչյուր վայրի կազմակերպման համար տրվում է առանձին լիցենզիա՝ N 2 հավելվածով սահմանված ձևով: Առևտրի իրականացման յուրաքանչյուր վայրի կազմակերպման լիցենզիա ստանալու համար պետական տուրքը ենթակա է գանձման՝ «Պետական տուրքի մասին» Հայաստանի Հանրապետության օրենքով սահմանված կարգով և չափերով:

14. Լիցենզիա ստանալու մասին հայտը լիցենզավորող մարմին մուտք լինելու օրվանից ոչ ուշ, քան երեսուն օրվա ընթացքում հայտը մերժվում է, եթե՝

1) դիմողի ներկայացրած փաստաթղթերը թերի են, ակնհայտ կեղծ կամ խեղաթյուրված, ինչպես նաև, եթե պարզվում է, որ դիմող անձն օրենքի կամ իր կանոնադրության համաձայն իրավունք չունի զբաղվելու հայցվող՝ լիցենզավորման ենթակա գործունեությամբ.

2) ներկայացված փաստաթղթերը չեն համապատասխանում «Լիցենզավորման մասին» Հայաստանի Հանրապետության օրենքի և Հայաստանի Հանրապետության օրենսդրության պահանջներին.

3) հարկային մարմնի կողմից լիցենզավորող մարմին է ներկայացվել կազմակերպիչ հանդիսացած հայտատուի հաշվետվությունում հարկ վճարողի հաշվառման համարների և հարկային մարմնում հսկիչ-դրամարկղային մեքենաների գրանցման քարտի համարների անհամապատասխանության մասին տեղեկանք.

4) հայտատուի մասին հարկային մարմնի կողմից ներկայացված տեղեկությունների համաձայն առկա է հայտարարություն ներկայացնելու անհրաժեշտություն, և դրա մասին

նախագգուշացումը լիցենզավորող մարմնի կողմից պատշաճ ձևով ուղարկվելու օրվան հաջորդող տասն օրվա ընթացքում հայտատուն չի ներկայացնում սույն կարգի 8-րդ կետով նախատեսված հայտարարությունը:

15. Ներկայացված փաստաթղթերը թերի լինելու հիմքով լիցենզիա ստանալու մասին հայտը մերժվում է, եթե դրա մասին պատշաճ ձևով նախագգուշացումը լիցենզավորող մարմնի կողմից ուղարկվելու օրվան հաջորդող տասն օրվա ընթացքում չեն ներկայացվում անհրաժեշտ փաստաթղթերը կամ նյութերը: Լիցենզավորող մարմինը նախագգուշացումն ուղարկում է դրանք ստանալու օրվանից հետո տասն օրվա ընթացքում:

16. Լիցենզիա ստանալու մասին հայտում կամ կից փաստաթղթերում ոչ էական թերությունների (վրիպակներ, ոչ իրավաբանական անճշտություններ, թվաբանական սխալներ և այլ նման բացթողումներ) առկայության (այդ թվում՝ հարկային մարմնի ներկայացրած տեղեկանքում նշված լինելու) դեպքում լիցենզավորող մարմինը հայտը կարող է բավարարել վերապահումով, որ այն կտրվի դրանց վերացման դեպքում:

17. Եթե օրենքվ սահմանված ժամկետում հայտը չի մերժվում, և հայտատուն օրենքով սահմանված կարգով և չափով վճարել է պետական տուրքը և վճարումը հաստատող փաստաթուղթը ներկայացրել լիցենզավորող մարմին, ապա լիցենզավորող մարմինը պարտավոր է սույն մասում նշված ժամկետին հաջորդող հինգ աշխատանքային օրվա ընթացքում հայտատուին տրամադրել լիցենզիա, և լիցենզիան հայտատուին հանձնելու կամ ուղարկելու օրվան հաջորդող օրվանից հայտատուն իրավունք ունի զբաղվելու տվյալ՝ լիցենզավորման ենթակա գործունեության տեսակով:

18. Լիցենզիա ստանալու մասին հայտի մերժման վերաբերյալ լիցենզավորող հանձնաժողովի (մարմնի) որոշումը կարող է բողոքարկվել դատական կարգով:

19. Լիցենզիա ստանալու մասին հայտի մերժման դեպքում դիմողն իրավունք ունի լիցենզիա ստանալու մասին նոր հայտ ներկայացնելու՝ ընդհանուր կարգով:

**IV. ԱՌԵՎՏՐԻ ԻՐԱԿԱՆԱՑՄԱՆ ՎԱՅՐԻ ԿԱԶՄԱԿԵՐՊՄԱՆ ՊԱՐՏԱԴԻՐ
ՊԱՀԱՆՋՆԵՐԸ ԵՎ ՊԱՅՄԱՆՆԵՐԸ**

20. Առևտրի իրականացման վայրի կազմակերպման լիցենզիա ունեցող կազմակերպիչը պարտավոր է՝

1) ապահովել «Առևտրի և ծառայությունների մասին» Հայաստանի Հանրապետության օրենքի պահանջների կատարումը.

2) ապահովել «Հսկիչ-դրամարկղային մեքենաների կիրառման մասին» Հայաստանի Հանրապետության օրենքի պահանջների կատարումը.

3) իր իրավասությունների սահմաններում ապահովել «Սպառողների իրավունքների պաշտպանության մասին», «Համապատասխանության գնահատման մասին», «Չափումների միասնականության ապահովման մասին» և «Ստանդարտացման մասին» Հայաստանի Հանրապետության օրենքների պահանջների կատարումը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Հ Ա Յ Տ

ԱՌԵՎՏՐԻ ԻՐԱԿԱՆԱՑՄԱՆ ՎԱՅՐԻ ԿԱԶՄԱԿԵՐՊՄԱՆ ԳՈՐԾՈՒՆԵՈՒԹՅԱՆ
ԼԻՑԵՆԶԻԱ ՍՏԱՆԱԼՈՒ ՄԱՍԻՆ

Հայտատու _____
(իրավաբանական անձի անվանումը և կազմակերպական-իրավական ձևը, անհատ
ձեռնարկատիրոջ անունը, ազգանունը)

Գտնվելու վայրը _____
(իրավաբանական անձի գտնվելու վայրը, անհատ ձեռնարկատիրոջ բնակության վայրը)

Գործունեության իրականացման վայրը _____

Լիցենզավորման ենթակա գործունեության տեսակը _____

(լիցենզավորման ենթակա առևտրի իրականացման վայրի տեսակը)

Խնդրում եմ տրամադրել լիցենզիա՝ առևտրի իրականացման վայրի կազմակերպ-
ման համար:

Կից՝ ներկայացնում եմ հետևյալ փաստաթղթերը՝

- 1) պետական գրանցման վկայականի պատճենը՝ _____ էջ.
- 2) կանոնադրության պատճենը (իրավաբանական անձինք)՝ _____ էջ.
- 3) տեղեկատվություն հարկ վճարողի հաշվառման համարի (ՀՎՀՀ) մասին՝ _____ էջ.
- 4) առևտրի իրականացման վայրի տարածքի սեփականության, վարձակալության

կամ օգտագործման իրավունքների պետական գրանցման վկայականի պատճենները և
առևտրի իրականացման վայրի (վայրում) վաճառատեղերի և այլ անհրաժեշտ
կառույցների տեղաբաշխման սխեմաները՝ _____ էջ.

5) *առևտրի իրականացման վայրի վաճառատեղերի (այդ թվում՝ առևտրի օբյեկտների) (այսուհետ՝ վաճառատեղեր) և վաճառողների մասին հայտարարություն՝ _____ էջ.

6) պետական տուրքի վճարման անդորրագրի բնօրինակը:

Հայտնում եմ, որ՝

1) օրենքով և լիցենզավորման կարգով նախատեսված՝ առևտրի իրականացման վայրին ու առևտրի իրականացման վայրի կազմակերպչին ներկայացվող պարտադիր պահանջները կատարված են.

2) լիցենզավորող մարմին ներկայացված փաստաթղթերում առկա տվյալներն ամբողջական են և հավաստի:

Հայտատու՝ _____
(պաշտոնը)

(անունը, ազգանունը)

(ստորագրությունը)

_____ 200 թ.

Կ.Տ.

* Հայտարարություն ներկայացնում են միայն կազմակերպիչ հանդիսացող հայտատուները:



Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ ՈՒ Թ Յ ՈՒ Ն

Լ Ի Ց Ե Ն Ձ Ի Ա

ԱՌԵՎՏՐԻ ԻՐԱԿԱՆԱՑՄԱՆ ՎԱՅՐԻ ԿԱԶՄԱԿԵՐՊՄԱՆ ԳՈՐԾՈՒՆԵՈՒԹՅԱՆ

Լիցենզավորող մարմինը _____

Լիցենզիայի համարը _____

Կազմակերպության անվանումը
(անհատ ձեռնարկատիրոջ անունը, ազգանունը) _____

Առևտրի իրականացման կազմակերպման գտնվելու վայրը _____

Տրված է _____

Գործողության ժամկետը _____

(ստորագրությունը)

Կ.Տ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Հ Ա Շ Վ Ե Տ Վ ՈՒ Թ Յ ՈՒ Ն`

ԼԻՑԵՆԶԻԱ ՍՏԱՑԱԾ ԱՆՁԱՆՑ ԿՈՂՄԻՑ ԼԻՑԵՆԶԱՎՈՐՈՂ ՄԱՐՄԻՆ ՆԵՐԿԱՅԱՑՎՈՂ

Տեղեկություններ առևտրի իրականացման վայրի կազմակերպչի մաին	Փաստաթղթի հերթական համարը _____ _____ (լրացվում է լիցենզավորող մարմնի կողմից)										
Հարկ վճարողի հաշվառման համարը (ՀՎՀՀ)	<table border="1" style="width:100%; height:100%; border-collapse: collapse;"> <tr> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> </tr> </table>										
Իրավաբանական անձի անվանումը, կազմակերպական-իրավական ձևը	_____										
Անհատ ձեռնարկատիրոջ անունը, ազգանունը	_____										
Պետական գրանցման համարը	<table border="1" style="width:100%; height:100%; border-collapse: collapse;"> <tr> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> </tr> </table>										
Պետական գրանցման ամսաթիվը, ամիսը և տարեթիվը	<table border="1" style="width:100%; height:100%; border-collapse: collapse;"> <tr> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> <td style="width:12.5%;"></td> </tr> </table>										
Իրավաբանական անձի գտնվելու (անհատ ձեռնարկատիրոջ բնակության) վայրը	_____										
Գործունեության իրականացման գտնվելու վայրը	_____										

Հաշվետվության դիմային էջին կցվող էջերի թիվը (լրացվում է թվերով և բառերով)														
Հաշվետվությունը ներկայացնելու ամսաթիվը														
NN ը/կ	Տեղեկություններ վաճառատեղերի մասին							Տեղեկություններ վաճառողների մասին						
	վաճառատեղի հերթական համարը	հասկացված տարածքի մակերեսը (քառ. մետր)	պայմանագրի կնքման			պայմանագրի գործողության ժամկետը	վաճառատեղի մեկ քառ. մետրի հաշվով գանձվող վճարի չափը (հազ. դրամ)	իրավաբանական անձի անվանումը, կազմակերպական-իրավական ձևը կամ անհատ ձեռնարկատիրոջ անունը, ազգանունը	պետական գրանցման			հարկ վճարողի հաշվառման համարը (ՀՎՀՀ)	հարկային մարմնում ՀԴՄ-ի գրանցման քարտի համարը (համարները)	
			միջնորդող	միջնորդող	միջնորդող				համարը	միջնորդող	միջնորդող			միջնորդող
1	2	3	4	5	6	7	8	9	10	11	12	13	14	15

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Հ Ա Յ Տ Ա Ր Ա Ր ՈՒ Թ Յ ՈՒ Ն

ԱՌԵՎՏՐԻ ԻՐԱԿԱՆԱՑՄԱՆ ՎԱՅՐԻ ՎԱՃԱՌԱՏԵՂԵՐԻ ԵՎ ՎԱՃԱՌՈՂՆԵՐԻ ՄԱՍԻՆ

Տեղեկություններ առևտրի իրականացման վայրի կազմակերպման գործունեություն իրականացրած և լիցենզիա ստանալու համար լիցենզավորող մարմնին հայտ ներկայացրած իրավաբանական անձի կամ անհատ ձեռնարկատիրոջ մասին	Փաստաթղթի հերթական համարը_____								
	(լրացվում է լիցենզավորող մարմնի կողմից)								
Հարկ վճարողի հաշվառման համարը (ՀՎՀՀ)									
Իրավաբանական անձի անվանումը, կազմակերպական-իրավական ձևը									
Անհատ ձեռնարկատիրոջ անունը, ազգանունը									
Պետական գրանցման համարը									
Պետական գրանցման ամսաթիվը, ամիսը և տարեթիվը									
Իրավաբանական անձի գտնվելու (անհատ ձեռնարկատիրոջ բնակության) վայրը									
Գործունեության իրականացման գտնվելու վայրը									
Հայտարարության դիմային էջին կցվող էջերի թիվը (լրացվում է թվերով և բառերով)									

Հայտարարությունը ներկայացնելու ամսաթիվը															
NN ը/կ	Տեղեկություններ վաճառատելերի մասին						Տեղեկություններ վաճառողների մասին								
	վաճառատելի հեղթակալի կամ անունը	հասկացված տարածքի մակերեսը (քառ. մ)	պայմանագրի կնքման			ըմբռնման օրվա թվականը	իրավաբանական անձի անվանումը, կազմակերպական-իրավական ձևը կամ անհատ ձեռնարկատիրոջ անունը, ազգանունը	պետական գրանցման			հարկ վճարողի հաշվառման համարը (ՀՎՀՀ)	հարկային մարմնում ՀՂՄ-ի գրանցման քարտի համարը (համարները)			
			միջնորդում	միջնորդ	տարեկան			համարը	միջնորդում	միջնորդ			տարեկան		
1	2	3	4	5	6	7	8	9			10	11	12	13	14

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ